

寒科五

六科準繩



傷寒準繩卷五

金壇王肯堂輯 瘦樵程永培校

合病併病汗下吐後等病

〔表裏合病必下利〕太陽〔汗〕與陽明合病必自下利葛根湯主之不下利但嘔者葛根加半夏湯主之

太陽〔和〕與少陽合病自下利者與黃芩湯若嘔者黃芩加半夏湯生薑湯主之 陽明與少陽合病必

下利脈滑而數者有宿食也當下之宜大承氣湯

俱詳下利

〔併病〕二陽〔汗〕併病太陽出汗不徹因轉屬陽明自汗不惡寒太陽證不罷面赤躁煩短氣者更發汗

則愈 二陽〔下〕併病太陽證罷潮熱譫語者下之則愈

論見譫語

太陽〔刺〕

少陽併病項強眩冒心下鞭

如結胸者刺胸俞肝俞

論見項強

合併病

合病兩經俱病併則一經證罷而併歸於一經也太陽與陽明合病有三證其邪湊有淺深之殊故用藥有汗下和解之異治見各條三陽合病有二證其一證用白虎湯其一證無治法後人用小柴胡白虎之類蓋此二證俱有三陽之候故不可汗下二陽併病有二證表未解者汗之表已解有裏證者下之太陽



與少陽併病有三證其一由誤下以致心下鞭成結胸其一項強如柔痙狀心下鞭如結胸刺肺俞肝俞慎勿發汗汗則譫語不止宜刺期門其一心下鞭項強而眩者刺大椎肺俞不宜下也

〔合病〕太陽〔汗〕與陽明合病胸滿而喘者不可下麻黃湯 太陽〔解肌〕與陽明合病自下利葛根湯

不下利但嘔者葛根加半夏 或曰由太陽表未罷而陽明裏又至兩陽合病熱甚於表乘虛漸攻於裏故

嘔逆龐氏曰外證必頭痛腰疼肌熱目疼鼻乾也脉浮大 太陽受病也長者陽明也頭腰太陽也肌目鼻陽明也

太陽與少陽合病自下利者與黃芩湯若嘔者黃芩加半夏湯 或曰此表實裏虛熱入攻裏故自下利若兼痰飲則嘔也

陽明少陽合病必下利脈長者為順脈弦者為負負者寇賊也脈滑而數者有宿食大承氣湯 或曰陽明

其脉弦者木乘土也不弦者不負也負者必死若滑而數者有宿食非負也故宜下

三陽合病腹滿身重難以轉側口不仁面垢譫語遺尿不可汗下若自汗者白虎湯 三陽合病脈浮大

見關上但欲眠目合則汗小柴胡白虎湯 或曰此二證俱有三陽之證此不可汗下

〔併病〕二陽〔解肌〕併病太陽初得時汗之不徹轉屬陽明續自微汗不惡寒大柴胡湯 若太陽證不

罷不可下可少發汗設面色緣緣正赤陽氣怫鬱在表汗之不徹其人煩躁短氣不知痛處宜更發汗則

愈葛根湯 二陽〔下〕併病太陽證罷潮熱手足汗大便難譫語者大承氣湯 太陽少陽併病反下之



成結胸心下鞭下利不止水漿不下心煩生薑瀉心湯小陷胸湯 太陽〔刺〕與少陽併項強痛或眩冒時如結胸心下痞鞭刺大椎第一間肺俞肝俞不可汗汗則譫語不止刺期門 太陽少陽併病心下鞭項強而眩者刺大椎肺俞慎勿下

〔趙〕愚嘗疑合病併病之難明也久矣姑釋之蓋合病者二陽經或三經同受病病之不傳者也併病者一陽經先受病又過一經病之傳者也且如太陽陽明併病一證若併而未盡是傳未通尚有表證仲景所謂太陽證不罷面色赤陽氣怫鬱在表不得越煩躁氣短是也猶當汗之以各半湯若併之已盡是謂傳過仲景所謂太陽證罷潮熱手足汗出大便鞭而譫語者是也法當下之以承氣湯是知傳則入府不傳則不入府所以仲景論太陽陽明合病止出三證如前太陽陽明併病則言其有傳變如此也又如陽經互相合病皆自下利仲景於太陽陽明合病則主以葛根湯太陽少陽合病主以黃芩湯少陽陽明合病主以承氣湯至於太陽少陽併病其證頭項強痛眩冒如結胸心下痞鞭當刺大椎肺俞肝俞不可汗下太陽陽明併病已見上論但三陽合病仲景無背惡寒語句雖別有口燥渴心煩背微惡寒者乃屬太陽證而非三陽合病也活人言三陽合病背惡寒者非也三陽若與三陰合病卽是兩感所以三陰無合病例也

〔張〕夫併者乃催併督併之義非吞併相就之理然催併係去聲吞併之併乃上聲史記曰始皇初併天下卽此理也夫併之理乃前病未解後病已至有逼相併之義故曰併病也經曰太陽與少陽併病頭項強痛或眩冒云云如果併作一家則仲景不具兩經之證而言也其非併字明矣又曰或云三陽合病有太陽陽明有正陽陽明有少陽陽明似乎重出予曰各有所指不過表裏之分耳夫三陽合病在表三陽陽明病在裏事在兩途卽非重出在表者宜解散以痊安在裏者非攻下則不可然表裏證治迥各不同惟編目有似乎重出

發汗後不解

傷寒初感始以太陽故以發汗爲首汗行如雨散雲收其病乃愈倘汗行不解者或表邪未盡或熱邪傳裏或邪氣乘虛內客故有汗後而不解者

發汗病不解反惡寒虛也芍藥甘草附子湯 太陽病發熱汗不解仍發熱心下悸振振欲擗地真武湯

發汗後身疼痛脈沈者桂枝加芍藥人參新加湯 太陽發汗遂漏不止其人惡風小便難四肢拘急

難以屈伸桂枝加附子湯 大汗出熱不去內拘急四肢疼下利惡寒四逆湯 發汗過多冒心心下悸

欲得按桂枝甘草湯 汗後腹脹滿厚朴生薑人參湯 太陽病發汗後大汗出胃中乾燥不得眠欲飲

水者少少與之則愈若脈浮小便不利微熱消渴者五苓散 發汗已脈浮數煩渴五苓散 服桂枝湯
脈洪大與桂枝湯如前法若形如瘧日再發汗出必解麻黃湯 發熱汗出不解心中痞鞭嘔吐不和太
柴胡湯 服桂枝湯大汗出大煩渴不解脈洪大白虎加人參湯 發汗後臍下悸欲作奔豚茯苓桂枝
甘草大棗湯 發汗後不惡寒但惡熱蒸蒸發熱者實也調胃承氣湯 發汗後不可更行桂枝汗出而
喘無大熱者麻黃杏仁甘草湯

下後不解

去傷寒之邪不過汗吐下之三法也三法得當病勢易衰則愈矣三法失宜病勢危惡傳變不已誠可慮
也況發汗吐下後邪氣乘虛而未散或壅窒而未盡則當量其虛實以治之先賢謂知邪氣之虛實發汗
吐下之不差溫補針灸之適當則萬全之功可得矣若過經者以六日傳六經七日爲一候若不愈十三
日乃再傳經盡所以謂之過經也

傷寒五六日大下後身熱不去心中結痛未欲解也梔子豉湯下後心煩腹滿臥起不安梔子厚朴湯
陽明病下之心中懊憹而煩梔子豉湯若有燥屎者大承氣湯 太陽病下後脈促胸滿桂枝去芍藥湯
微惡寒者去芍藥方中加附子醫以丸藥下之身熱不去微煩梔子乾薑湯 太陽病桂枝證醫反下之

傷寒準繩

卷五

發汗後不解

下後不解

汗吐下後不解

三

利遂不止脈促者表未解喘而汗出者葛根黃連黃芩湯 服桂枝湯或下之仍頭痛項強無汗翕翕發熱心下滿微痛小便不利桂枝去桂加茯苓白朮湯 太陽病過經十餘日二三下之嘔不止心中微煩大柴胡湯下之 六七日大下後寸脈沈而遲手足厥逆下利脈不至咽喉不利吐膿血瀉利不止爲難治麻黃升麻湯

汗吐下後不解

五六日已發汗復下胸脇滿微結小便不利渴而不嘔但頭汗出往來寒熱心煩爲未解柴胡桂薑湯 太陽汗吐下解後心下痞鞭噯氣不除者旋覆代赭石湯 太陽先發汗不解而復下之脈浮者則知病在外當須解外桂枝湯 發汗若下之病仍不解煩躁不得眠茯苓四逆湯 大汗若大利而厥者四逆湯 下後復發汗晝日煩躁不得眠夜而安靜不嘔不渴無表證脈沈微身無大熱乾薑附子湯 下後復發汗必振寒脈微細此內外俱虛也 傷寒本寒後復吐下之食入口卽吐乾薑黃連黃芩人參湯 發汗吐下後虛煩不得眠劇者反覆顛倒心中懊憹梔子豉湯 發汗若下之煩熱胸中窒梔子豉湯 吐下後不大便五六日至十餘日日晡發潮熱不惡寒獨語如見鬼狀循衣摸牀脈弦者生瀉者死但發熱譫語者大承氣湯 吐下後腹脹滿邪熱入胃也調胃承氣湯 太陽吐下後微煩小便數大便鞭小

承氣湯 吐下後七八日不解結熱在裏表裏俱熱時時惡風大渴舌上乾燥煩欲飲水白虎加人參湯

吐下後心下逆滿氣上衝胸頭眩脈沈緊發汗則動經身為振搖茯苓桂枝白朮甘草湯

喘

〔成〕肺主氣形寒飲冷則傷肺故其氣逆而上行衝衝而氣急喝喝而息數張口擗肩搖身滾肚是為喘

也有邪在表致氣不利而喘者麻黃湯桂枝加厚朴杏子湯有水射肺而喘者小青龍湯發汗後飲水多

必喘以水灌之亦喘及傷寒心下有水氣乾嘔發熱而欬或喘者小青龍去麻黃加杏仁是欲發散水寒

也經曰喘而汗出者與葛根黃芩黃連湯以利之此邪氣內攻氣逆不利因喘而汗出見其邪氣在裏也雖表未解未可和之汗出而喘者與

麻黃甘草石膏湯以發之此外邪壅盛使氣不利汗出而喘不已見其邪氣在表也雖經汗下亦可發之若傷寒止於邪氣在表而喘者心腹必

濡而不堅設或腹滿而喘則又為可下之證經曰短氣腹滿而喘有潮熱者此外欲解可攻裏也又汗出

髮潤喘不休者為肺絕身汗如油喘而不休為命絕直視譫語喘滿者死是皆不治之喘也

〔太陽〕病〔汗〕頭痛發熱身痛腰痛骨節痛惡風無汗而喘麻黃湯 太陽與陽明合病喘而胸滿者不

可下麻黃湯

〔許〕有人病傷寒脈浮而長喘而胸滿身熱頭痛腰脊強鼻乾不得臥予曰太陽陽明合病仲景云中有

三證下利葛根湯不下利嘔逆者加半夏喘而胸滿者麻黃湯也治以麻黃湯得解

傷寒表不解心下有水氣乾嘔發熱而欬或喘者小青龍湯方見太陽病發汗後飲水多必喘以水灌之亦

喘喘肺疾飲水多而喘者飲冷傷肺也以冷水灌洗而喘者形寒傷肺也○或用小青龍加杏仁猪苓湯傷寒心下有水氣欬而微喘發熱不渴服湯已

渴者此寒去欲解也小青龍湯喘家有汗桂枝湯加厚朴杏仁佳太陽病為諸陽主氣風甚氣壅則生喘也與桂枝湯以散風加厚朴杏仁

以降太陽病下之微喘者表未解故也桂枝加厚朴杏仁湯主之下後大喘則為裏氣太虛邪氣傳裏正氣將脫也下後微喘則為裏氣上逆邪

不能傳裏猶在表也與桂枝湯以解外加厚朴杏仁以下逆氣

桂枝加厚朴杏仁湯方

桂枝去皮

芍藥

生薑切各三兩

厚朴炙去皮

甘草炙各二兩

杏仁去皮尖五十枚

大棗十二枚擘

右七味以水七升煮取三升去滓溫服一升

發汗後不可更行桂枝湯汗出而喘無大熱者可與麻黃杏仁甘草石膏湯主之〔成〕發汗後喘當作桂枝加厚朴杏仁湯汗出

則喘愈今汗出而喘為邪氣壅甚桂枝湯不能發散故不可更行桂枝湯汗出而喘有大熱者內熱氣甚也無大熱者表邪必甚也與麻黃杏仁甘草石膏湯以散其邪〔張〕予觀仲景常言發汗後乃表邪悉解

止餘一證而已故言不可更行桂枝湯今汗出而喘無大熱乃上焦餘邪未解當用麻黃杏仁甘草石膏湯以散之夫桂枝加厚朴杏仁湯乃桂枝證悉具而加喘者用之註言汗出而喘以為邪氣壅甚非桂枝

所能發散此誤也況身無大熱更無證何故復言表邪必甚其後章下後不可更行桂枝湯條下註曰汗下雖殊既不當損正氣則一其言有至理存焉可見汗後所註之誤矣原其理當時因事發機前後失於

照應故有此等之弊也

下後不可更行桂枝湯若汗出而喘無大熱者可與麻黃杏仁甘草石膏湯〔成〕上條云

更行桂枝湯汗出而喘無大熱者爲與此證治同汗下雖殊既不當損正氣則一邪氣所傳既同遂用一法治之經所謂若發汗若下若吐後是矣

麻黃杏仁甘草石膏湯方

麻黃四兩去節

杏仁五十枚去皮尖

甘草炙二兩

石膏半斤碎綿裹

右四味以水七升先煮麻黃

減二升去上沫納諸藥煮取二升去滓溫服一升

肝苦急急食甘以緩之風氣通於肝風邪外甚故以甘劑發之

太陽病

〔和解〕

桂枝證醫反下之利遂不止脈促者表未解也喘而汗出者葛根黃芩黃連湯

方見下利

〔陽明〕中風

〔汗〕

口苦咽乾腹滿微喘發熱惡寒脈浮而緊若下之則腹滿小便難麻黃湯

陽明脈浮

無汗而喘者發汗則愈宜麻黃湯

陽明病

〔和〕

脈浮而緊咽燥口苦腹滿而喘發熱汗出不惡寒反惡

熱身重白虎湯五苓散

傷寒四五日脈沈而喘滿沈爲在裏而反發其汗津液越出大便爲難表虛裏

實久則譫語

邪氣入內之時得脈沉而喘滿裏證具也則當下之反發其汗令津液越出胃中乾燥大便必難久則尿燥必發譫語也○大承氣湯

陽明病脈遲雖汗出

不惡寒者其身必重短氣腹滿而喘有潮熱者此外欲解可攻裏也手足濇然而汗出者此大便已鞅也

大承氣湯主之

病人小便不利大便乍難乍易時有微熱喘冒不能臥者有燥屎也宜大承氣湯

〔診〕傷寒

吐下後不大便潮熱若劇則不識人循衣摸牀微喘直視脈弦者生瀉者死

詳循衣摸牀

濕家下

後額汗微喘大小便利者死

論見體痛

少陰病息高者死

詳見厥利論見欲寐

厥冷無脈灸之不還反微喘者死

詳見

利厥直視譫語喘滿者死

論見譫語

脈浮洪汗出如油髮潤喘不休為命絕

附

〔活〕陰證喘促者返陰丹主之四肢逆冷喘促入口便佳

方見陰毒

病人小渴與水劇飲之致停飲心下滿

結者喘死甚眾當以五苓散或陷胸丸主之

方見渴及結胸

〔戴〕喘嗽有陰陽太陽經喘嗽略於前本經言之詳見嗽門少陽有嗽無喘有喘非少陽也其見少陽證

而嗽者宜小柴胡湯加北五味子六分乾薑四分陽明有喘無嗽有嗽非正陽明也其陽明證喘有潮熱

者宜大承氣湯陰證喘惟少陰有之若四肢沈重疼痛小便如常大便自利而嗽者真武湯去芍藥加北

五味乾薑各半錢細辛三錢此陰中之陰若四肢厥逆腹中痛泄利下重而欬四逆湯加北五味乾薑各

半錢下利嘔渴身煩不得眠而欬嗽者猪苓湯此陰中之陽諸陰喘促最為危證宜用返陰丹

〔吳〕凡表有寒發喘者脈浮緊惡寒身疼無汗也宜麻黃湯汗之若表有風發喘者脈浮緩惡風自汗也

宜桂枝湯加厚朴杏仁主之凡陽明內實不大便腹滿短氣發潮熱而喘者大柴胡加厚朴杏仁湯或小

承氣湯凡陰證厥逆脈沈細而微氣促而喘無汗者宜四逆湯加五味杏仁凡虛人脈伏若手足逆冷而



喘者五味子湯凡暴冒風寒脈浮無汗而喘蘇沈九寶湯凡熱盛有痰脈弦數而喘不可汗不可下以小柴胡湯加知母貝母瓜蒌仁胸滿者加枳殼桔梗心下滿者加枳實黃連舌燥飲水而喘者加知母石膏主之古人云諸喘爲惡故非輕也華佗曰盛則爲喘蓋非肺氣盛也乃肺中之邪火盛也所以瀉白者瀉肺中之火也非瀉肺也又爲瀉心湯乃瀉心下之痞滿者也衛生寶鑑曰凡看文字有餘當認作不足者蓋受病爲不足病氣爲有餘也

五味子湯

方見厥門

蘇沈九寶湯

桑白皮 上

甘草 下

大腹皮 下

官桂 下

麻黃 中

薄荷 下

陳皮 上

紫蘇 中

杏仁 去皮尖炒中

生薑 三片

烏梅 半個

右用水二鍾煎至八分去滓通口服

加減瀉白散 治煩熱胸膈不利上氣喘促口乾或欬者

桑白皮 二錢

知母

橘紅

瓜蒌仁 去殼

細黃芩

貝母

桔梗

甘草 各一錢五分

地骨皮 一錢

右煎服法同前

短氣

〔成〕短氣者氣急而短促似喘而非喘喘則張口擡肩短氣只是氣促不能相續似喘而不擡肩似呻吟

而無痛也有責為實者

經曰短氣腹滿而喘有潮熱此外欲解可攻裏此短氣之實者也

有責為虛者

經曰跌陽脈微而緊緊則為寒微則為虛微虛相搏則為短氣此短

氣之有在表者

經曰短氣但坐以汗出不徹故也更發汗則愈與其風濕相搏汗出短氣小便不利惡風者甘草附子湯此邪在表而短氣也

有在裏者

經曰乾嘔短氣汗出不惡寒此

表解裏未和十棗湯與太陽病醫反下之短氣煩躁懊憹心中硬成結胸大陷胸湯此邪在裏而短氣也

治各有異大抵短氣為實要略曰短氣不足以息者

實也又水停心下亦令短氣要略曰食少飲多水停心下微者短氣學者察諸

〔表證〕

短氣骨節痛不得屈伸汗出小便不利惡風身腫者為風濕宜甘草附子湯

方論見體痛

短氣腹滿

脇痛其人若脈弦浮大外不解無汗嗜臥身黃小便難有潮熱者小柴胡湯

論見胃實方見往來寒熱

〔裏證〕若表未解手足澀然汗出或有潮熱者宜大承氣湯

方論見潮熱

若表解心下痞鞭乾嘔短氣者宜

十棗湯

方論見脇滿痛

〔汗不徹〕短氣煩躁若發汗不徹續微汗出不惡寒表證不罷面赤者為併病更發汗則愈

論見面赤

〔下後〕若下後心中懊憹心下鞭痛者用大陷胸湯

論見結胸

〔診〕跌陽脈微而緊緊則為寒微則為虛微緊相搏則為短氣坐而伏者短氣也

附

〔陶〕傷寒失於汗下或因汗下後虛令人氣逆不相接續者名短氣分虛實治之此與喘證不相類

〔吳〕因汗吐下後元氣虛弱脈來微虛氣不能相接而短少者以人參益氣湯凡陰證脈弱沈細而遲手足逆冷面上惡寒如刀刮口鼻之氣難以布息而短者宜四逆湯加人參主之又食少飲多水停心下令人短氣煩悶以茯苓甘草湯治之

身重

〔成〕身重之由有風濕有風寒有風濕俱見有火逆有易病有三陽合病雖所得不一然悉屬三陽非若身疼兼有三陰裏寒也壞病有矣寒則無之識者鑒焉

〔太陽〕傷寒脈浮緩身不疼但重乍有輕時無少陰證者大青龍湯發之詳太陽陽病發汗已身猶灼熱名曰

風溫脈浮汗出身重多眠鼻息鼾詳風溫宜活人萎蕤湯風溫脈浮身重汗出惡風者宜

防己黃耆湯

防己 一兩

甘草 半兩

白朮 七錢半

黃耆 去蘆一兩一錢

右咬咀每服五錢生薑四片

大棗一枚水一盞半煎至八分溫服良久再服服後當如蟲行皮中從腰下如冰後坐被上又以一被



繞腰以下溫令微汗瘥 喘者加麻黃半兩 胃中不和者加芍藥三分氣上衝者加桂三分 下有沈寒者加細辛三分

脈浮宜以汗解用火灸之邪無從出因火而盛病從腰以下必重而痺名火逆也 脈浮數者法當汗出

而愈若下之身重心悸者不可發汗當自汗出以解所以然者尺中脈微此裏虛須表裏實津液自和便

自汗出愈 傷寒八九日下之胸滿煩驚小便不利譫語一身盡重不可轉側者柴胡加龍骨牡蠣湯主

之 方見驚○〔張〕病有身重不能轉側下後血虛津液不榮於外也身疼不能轉側者風濕相搏於經而裏無邪也經曰傷寒八九日風濕相搏身疼體煩不能自轉側不嘔不渴脈浮虛而濇者以桂枝附子

湯主之此以柴胡加龍骨牡蠣湯主之以上二證言不能轉側頗相似論疹與重俱不相侔各從本法為宜也

〔陽明〕病脈遲汗出不惡寒身重短三腹滿而喘或潮熱或不潮熱承氣湯證 詳腹滿 陽明病脈浮緊口

苦咽燥腹滿而喘發熱汗出不惡寒身重忌汗忌燒鍼忌下 詳自汗註云此證宜和解之

〔三陽合病〕腹滿身重難以轉側口不仁而面垢譫語遺尿發汗則譫語下之則額上生汗手足逆冷若

自汗出者白虎湯主之 〔成〕腹滿身重難以轉側口不仁譫語者陽明也針經曰少陽病甚則面微塵此面垢者少陽也遺尿者太陽也三者以陽明證多故出陽明篇中三陽合病為表

裏有邪若發汗攻表則燥熱益甚必愈譫語若下之攻裏表熱乘虛內陷必額上汗出手足逆冷其自汗出者三陽經熱甚也內經曰熱則腠理開榮衛通汗大泄與白虎湯以解內外之熱

〔少陰〕病腹痛小便不利四肢沈重疼痛下利者真武湯

〔中陽〕發熱惡寒身重而痛手足逆冷小有勞身即熱小便已洒洒然毛聳其脈弦細乳遲口開前板齒燥此為太陽中暍忌汗下溫鍼宜白虎加人參湯詳暑病

〔陰陽易〕身重少氣少腹裏急或引陰中熱上衝胸眼花者此為陰陽易宜燒裊湯方論見陰陽易

難轉側

三陽合病腹滿身重難轉側汗出者白虎湯論見身重下後胸滿煩驚小便不利譫語身重不可轉側者柴

胡牡蠣湯論見驚風濕相搏身體煩疼不能自轉側不嘔不渴脈浮虛而澀者桂枝附子湯論詳身體痛

面赤面垢面青眼赤

太陽病面反有熱色二陽併病面色緣緣正赤陽明面合赤色是皆表邪必發散解肌而愈少陽目赤和解而安少陰面赤色厥陰面少赤帶陽二日必四逆而後可也面赤雖由陽熱而生然各經俱無可下之證在少陰厥陰者正證有下利厥逆脈微實為陰寒之病縱面赤似陽只是兼化而已

〔太陽病〕如瘧狀若脈微惡寒面反有熱色而身癢者桂枝麻黃各半湯小汗之方論見發熱脈浮而遲面

熱赤而戰惕者六七日當汗出而解反發熱者瘧遲為無陽不能作汗其身必癢也

〔二陽併病〕太陽初得病時發其汗汗先出不徹因轉屬陽明續自微汗出不惡寒若太陽證不罷者不



可下之下之爲逆如此可小發汗設面色綠緣正赤者陽氣怫鬱在表當解之薰之若發汗不出不足或陽氣怫鬱不得越當汗不汗其人躁煩不知痛處乍在腹中乍在四肢按之不可得其人短氣但坐以汗出不徹故也更發汗則愈何以知汗出不徹以脈澀故知也

因發不透徹而面赤躁煩短氣者不足言陽氣怫鬱止是當汗不汗也故更發汗則

愈
〔陽明〕病面合赤色不可攻葛根湯 〔少陰〕病下利清穀裏寒外熱手足厥逆脈微欲絕身反不惡

寒其人面赤色或腹痛或乾嘔或咽痛或利止脈不出者通脈四逆湯加蔥白詳下 〔厥陰〕下利清穀

脈沈而遲其人面少赤身有微熱者必鬱冒汗出而解病人必微厥所以然者其面戴陽下虛故也詳下

面赤而身熱足寒而口噤及背反張者瘈病也詳雜病瘈門 面赤而斑斑如錦紋咽喉痛唾膿血者陽毒也

詳陽毒

〔面垢〕三陽合病腹滿身重難轉側口不仁譫語面垢遺尿不可汗下

〔面青〕太陽病汗後遂發熱惡寒復加燒針因胸痞面青膚瞶者難治色微黃身足溫者易愈

〔目赤〕少陽中風兩耳無聞目赤胸滿而煩者不可吐下小柴胡湯

附

〔面黃〕孫兆口訣云工部郎中鄭厚忠患傷寒胸腹滿面黃如金色諸翰林醫官商議略不定推讓曰